

東流縣志卷十四

安徽池州府東流縣知縣

吳篴修

溝洫志

縣之境自西南迄於東北其形斜袤長百四十里而贏東西之間廣者五十里狹者不及三十里截長補短約以開方之數當得方一里者三千有奇地多山多水度山陵川澤城郭宮室涂巷二而去一準方一里者爲田五百四十畝當得田八十萬畝有奇而縣定額田地不過九之一則地有遺利也其有遺利者何也小水則潦小旱則暵束手而坐視之備不豫故也縣左山而右江

東流縣志

卷之十四

溝洫志

一

緣江之地利在洲藪距里落者遠沮洳渙散不能支引以漑逢盛漲卽浸禾稼山泉不甚旺山農頗資之而不能遍給也農所最利者湖泊然湖泊皆山水所瀦遇旱山水不下數十里皆平陸暑雨驟集又汪洋泛濫爲巨壑矣是故緣江之利宜防傍山之利宜塘宜堰瀕湖之利宜溝宜埂其大較也縣之民不見外事頗勤於農豈其莫知此術乎哉徒以具徒治搨其力非一家之所能勝接畛連阡其議非一人之所能定不得苟且目前邀幸天事此古者於遂人匠人稻人諸職旣詳其法必備其官而溝澮之制緣溝必有治溝之夫緣澮必有治

澮之夫所以順人情而曲爲之經理者無不至也前令
蔣綬志曰東流表裏江湖高原下隰五之一耳沮洳之
土水澇無常堯堉之區旱暵無恃有土者先事而預防
之民之福也自蔣君以來復六十年矣其間堤堰溝塘
之務所興所廢竟何如哉要之蓄洩之利則固有明徵
矣條舉其著者列之於篇

南新河在南門外知縣陳春開濬廣深各三丈迤邐數
十丈

北新河在北門外亦陳春開濬廣十丈深三丈長二百
餘丈

東流縣志

卷之十四

溝洫志

二

金天民新河記曰邑侯陳公以隆慶辛未宰東流甫
三年政成民和百廢悉舉若建城垣築堤防遷山川
壇新學宮徙便民倉建使院拓靖節祠開禮賢館設
講武場此其更著者皆有碑以紀頌功德顧茲兩河
之開尙缺記石予子民也親被其澤且深而使美之
弗彰罪孰大焉用茲忘其固陋而敬爲之記曰爲政
之要在安民安民之要興利祛害而已利興之難繼
於日後者慮之弗遠者也害祛而僥倖於目前者憂
之弗深者也夫子語子夏爲政曰毋欲速毋見小利
恐其忽遠圖隳大計也東流爲南輔上游負羣山之

崇面大江之險江水西南來過小孤轉折經縣境而東不啻二百餘里第以近無支河曲港爲舳艫艤泊之地故帆檣上下舉由西江視吾邑爲僻區不知艤泊孔艱則商賈不便商賈不便則有無不通而舉邑坐受其困至於轉運軍儲尤爲國家重務建德居腹內亦必由此以通漕本縣江口一港通建德漕舟率至僅泊其中洪水常風濤時作遺害叵測而舟與倉遠又牽輓之費不貲軍民兩疲是數者其關係於吾邑利害亦不少矣我朝建邑迄今二百年餘典符當事歷歷可稽也而竟莫爲之一理豈以利害爲未

切與抑亦身家之心重而憂國憂民之心輕與惟我公負有爲之才直敢爲之氣當可爲之時下車以來悉詢民隱凡可以爲民興一利祛一害皇皇焉如有不及其慮之遠而憂之深用以定夫可久無窮之計久矣甲戌秋城工旣竣迺躬視地利窮水源協謀僉同子來趨事城之南導建德諸山谿之水注於南門曰南新河廣深各三丈迤邐而長數十丈城北門之外濬寨下湖紆引江水而瀆之達於東門曰北新河廣十丈深三丈環繞而長二百餘丈工始於乙亥春正月終於夏四月計工償值倡率好義之民益以俸

貲未嘗徵民一錢役民一力而二河充然可以爲艤
泊之藪猗歟休哉南河之開也援引形勝萃聚於邑
之胸襟而山谿湖澤之利曰益以通北河之開也國
計免夫摧溺之虞而軍民轉輸之費曰益以省且創
興於城成之後旅泊者倚捍禦而愈安居集者遂交
易而不潰民之僦居而肆於河畔者未兩閱月烟突
相比帆檣相望而停憩者絡繹以至吳音楚語雜沓
相聞昔之僻區下邑將轉而爲巍然雄鎮矣公之於
民也豈非所謂興利祛害以定夫可久無窮之計者
哉公名春字生之號同宇浙杭仁和人曾祖大京兆

盅庵公昔守吾池多惠政百姓至今祠之

按金氏此記可謂深悉利病今南北兩新河又成淤
塞矣北新河引江水入寨下湖湖形本高又逼山麓
地旣窄隘江流倒漾勢易停淤且環城不過數里不
能旁引支渠爲灌溉其利益亦少若南新河則口門
本寬又上承仙人湖湖頗廣自湖以西屈曲達建德
建德迤南之水皆萃焉每水漲時百斛船可直抵堯
城渡誠得通利豈徒江路停泊者得避風濤之險而
自建德以上山貨竹木之屬由建德達縣而出江勢
甚便利商賈必趨之則江口走集可以擬於大通口

矣惟山水往往挾沙而下易於淤淺宜時設法疏濬耳此時之急在乎廣開口門使其出之暢導冷水港以上使來水氣聚而勢猛度其地形建閘以節之濱湖築隄以衛之此利甚博瘠邑可富也第開濬江口施工非易患於費無所出而冷水港以上卽建德所治疏導上流勢須通力合作則又患於牽掣不前姑存其說俟有志者而已

柳堤在縣西南門外明知縣蕭珮築亘二百六十丈西北達江口拱北山下立閘以蓄湖水丁紹軾記乾隆十年知縣萬紹熙復修築職員徐堃等捐

東流縣志

卷之十四

溝洫志

五

按丁紹軾記無考

張公堤署知縣張叔珽築在縣治東門外

城南堤邑布政王應乾築

以上附城諸堤

溪山堰在縣南六十里圍水可灌田五六十畝

峽山口堰在縣南四十里曹溪保

西冲口堰俗云頭堰二堰小堰不一

龐村堰在縣南四十里

銅頂山堰在縣南五十里

江家堰在縣南四十里桂村坂

馬家堰在縣南四十里

當頭坂堰在縣南三十里下隅坂

芝蔴窟在縣南四十五里江家壩

阡堰坡在下隅坂

蓮華塘在縣南四十五里溉田百餘畝

天井塘在曹村坂溉田百餘畝

楊孫塘在縣南四十里唐豐上鄉 此從謝志蘇志補

池州府志同

兩頭塘在管山彭東界可溉田三十畝

李家陂在縣南三十里

東流縣志

卷之十四

溝洫志

六

王家塘在縣南四十里

南塘在縣南五十里

西塘在縣南三十五里

何家塘池州府志卽雷源

巖塘在縣南二十五里池州府志作巖塘府志相近又

有紫塘駝龍塘在縣南十里稠林磯溉田五十畝

花山塘在縣南四十里溉田七十餘畝

冷水塘在梅林山下俗名冷水窟泉流溉田數十畝

龐家塘在縣東三十五里龐村前溉田百餘畝

清水塘在縣東南四十里溉田百餘畝

馬家堰在縣南四十里浩村堰長數丈溉田二百餘畝
後坂堰在浩村堰長數丈溉田二百餘畝

劉家阪井在浩村溉田五十畝

香水井在縣西南四十里香山麓源出香山故名亦曰
香山塘可溉田數十畝

廉泉在中和保水旱不竭

以上唐豐上鄉

葛家塘在縣東三十里

眞武塘在歷山北計弓三十餘畝塘口大石屹立天將
雨石卽生潤田家以此占之

東流縣志

卷之十四

溝洫志

七

兩頭塘在縣東二十里建德東流兩邑分界處田三十
畝

白塘在縣東二十里

通泉溝在縣東三十里其源一出龍山一出鄞家井至
石橋合流深三尺濶五尺

白雲山泉出白雲山而分流居民引以溉田

以上唐豐下鄉

鄭家塘在縣東四十里東田

柯村塘在縣東四十五里

蒲塘在縣東北五十里水出石山四時不竭

大清一統志在東流縣東北五十里源出石人山溉田
二百餘畝

張家塘在縣東六十里

鵲兒塘

泉塘在龍山嶺北

長塘在縣東四十里

白泉塘在縣東四十里

雙塘在縣東四十里

新塘在縣東四十里

破塘在縣東四

東流縣志

卷之十四

溝洫志

八

羊角塘在六都山

鄭婆塘在六都山

蓮花塘在土蔭坂

燕子塘

東塘在石潭

大塘在石潭

羅漢塘在縣東六十五里

葛家塘在縣東北十五里晉陽鄉 從謝志補

九畝坂隔在六都山

南山隔在六都山

許家坂隔在六都山

獅子隔在縣東五十里

後山坂隔在石潭

五都隔在石潭

龍山隔在石潭

伍家隔在縣東四十五里

靈山堰在縣東五十里

曹冲堰在縣東五十五里

張釗灣堰在縣東六十里

蠡塘堰在縣東六十里

東流縣志

卷之十四

溝洫志

九

李家堰在縣東四十里

土橋堰在縣東四十里

古港在縣東三十五里東田

以上晉陽鄉

兩頭塘在縣北六十里天林莊

津塘在縣北六十里葉村

方塘在縣北七十里老村

以上維新鄉